

四庫全書

集部

欽定四庫全書

淳熙稿卷十六

宋 趙蕃 撰

五言絕句

七盤嶺

遠近分濃淡陰晴異蔽虧
不知山路險卻幸馬行遲

澗鋪嶺道中四首

近岫披晴霧遙山縱雨雲
皚皚疑雪積莽莽若江分

嶺路縈紆合衆流
詰曲通田毛無歲
旱山課與耕同
芋畝疑如蜀山田
更似閩祇看無廢地
寧復有閒民
鉅竹差差合青杉
裊裊長人多表池
檻此乃亘山岡

鐵笛亭

悵彼荆榛合欣公杖履開
倘非人隱異何許笛飛來
重午日摘枇杷薦酒因成兩絕句

已載相如賦還披杜老詩
團團自長葉佳實欠累累
蜀酒能祛慮昌陽解引年
楚君為楚節湘客念湘船

早題

欲雨雨似止為霜霜不成山雲解衣帶曉日掛銅鉦

雪觀

冷語可銷暑昔人曾詠之我來登雪觀政值綠陰時

仁智堂

公平仁且智意託山與水唱道本龍門遺塵仍栗里

白霧溪

霧雨猶疑合槎頭不可窺山年走牲酒平旦但茅茨

晚歇溪上

愛此滄浪水臨流坐寫詩賦詩元未就藉水發幽姿

題西軒竹上

昔去無此屋今茲更添竹吾輩固蕭閒道人殊不俗

簡周允升三首

相逢亡恙外第一問書堂為說當年樹如人出屋長
春來多睡思茗椀亦時須不敢家園乞芭蕉有剩無
君為鄉校長我政旅人居借屋元相近相過莫放疎

雲錦

西湖萬頃荷護以隄千丈應詔待新辭無為戀盆盎

感歸鳥

鳥雀知既夕相逢如擇棲嗟余獨何者失侶自東西

水樂

如抑又成揚既考亦或鼓始信石能言無疑鈴解語

雨游青原山二首

松竹青原剎香燈七祖籤窮通非所問風雨暫成淹

要作山中宿悵無林下期摩挲魯公字咀嚼豫章詩

登亦好亭

風潮湧琉璃露朵紛錦繡景物故不貧詩篇況能富

冽泉

名士每名泉一瓢寧取賢道行期及物為澗定為川

寒栖館

畦資捐捐功饗藉丁丁力但取茅蓋頭不嗟家立壁

感鬻筍者

一寸葆萌茁琅玕千尺姿園翁不知愛採掘競刀錐

送筍與胡仲威

掘我窻前筍與君充煮煨槎牙勿多棄聊用敵崔嵬

玩易齋

晉士祖虛無寧殊卜筮書公今編幾絕加我問何如

石井有感

歲月不可玩變遷何所無青衫今白髮泉谷乃官途

觀吳興俞君新之作畫于瑞竹俞君索詩漫興

四絕句

我無巖壑姿空有山林想
看君落筆時形滯心已往
平生苔雪舟略計忘幾歷
詩裏不能收付君醫畫癖
作畫與作詩妙處元同科
苟無自得處當復奈渠何
煩君索我詩我詩老不支
因君為作氣竟亦不能奇

題劉叔驥所畫竹

竹不媿老可人今無老坡聊將一卮酒
相與酌蘋波

呈宜之兄八首

兄昔守清江弟亦官白下檄書幾經過鈴閣奉閒暇
別來纔一書似若向兄疎逢人問江右說兄不敢虛
兄今得太末去弟不數驛弟官蠻夷中何啻限南北
回舟德清縣期以一會面去去不可留歲盡多冰霰
雪抵東野縣晴值安豐車坐定取談兄示以咫尺書
書中道何似詩有林霏寄怪其句律工定自工夫至
弟詩吳江楓未秋先隕風騷人或取咏零落鷗鳥同
兄詩楚山竹歲晚色愈綠譬彼朝陽桐當令鳳棲宿
近見

金史卷之八
吳達孝出兄書

及寄題林扉詩

卷十六

閨怨四首

辭少不盡意辭多還盡紙紙盡意無窮相思似流水
紅芳不可待綠蔭忽已成妾貌愧花好郎姿如柳明
擬憑魂夢尋苦恨山川遠山川遠不愁風吹夢魂斷
風前揮珠淚吹落春江去日夜只東流何時復西沂
連雪不已復作絕句詠之及六而止殆未免不
愁凍殺之謂也

粲粲初投米飄飄旋落花
巷深迷吠犬林合誤歸鴉
對岸初封屋臨流已蔽汀
長江停袞袞去鳥失冥冥
勿謂虛明質能成積厭威
由輕終及重至著本從微
不假丹青手居成水墨圖
莫嗟玄尚白靡歎糞難污
往記嚴陵岸喬林掛亂絲
還思溧陽路小艇觸輕澌
背蔭常先積當明竟早消
草衰猶秀色柳悴亦長條

晚對

朝從前山看莫與後嶺對
曉霧或紛紛晚烟增紫翠

仲春雜書二首

社公能作雨社子復成晴日薄風仍薄花明柳亦明
二月條已盡一春餘幾多不知花過矣誰問病如何

晚書二首

春晚苦多風花殘不見紅問花寧自覺愁殺白頭翁
何處黃鸝語玲瓏芳樹間可憐求友意飛去又飛還

磬湖

鑿開何自來名得因形似似欲使先生因茲號居士

蘆葦林

雖為林園居不忘江湖趣更著小舟橫無驚野禽聚

題邢園壁

池草似爭長木陰如合圍不惟催我去政欲餞春歸

方池

藻行參遮面菰蒲聳立隅飛來雙野鴨幾幅畫成圖

幽蘭坡

斗坡能曲折亂石故崢嶸篁竹幾成蔽幽蘭何處生

金匱要略卷之八
本十六
題君子亭

菊落淵明手愛人仍及烏荷花定好友周子亦陶徒

紫君林

籜脫始猶青粉滋旋變紫斬伐不須加森然自堪倚

北風

北風故應陰南風還當晴占風更占雨巢穴寄吾生

日入

日出復日入寢飯但默默堪哀籠中鳥欲去飛不得

野息

覆之茅三重樹以不加斲野息若規模規模如是作

長門怨

祇看金屋貯便有長門棄始盛終當衰人情亦天意

九日

嘗評節物佳無出九日上豈獨為黃花端由有元亮

過湖

杯琰吉難同開船得轉風無云仗神道人厄匪天窮

釣磯

公為浙東行曾憩桐江碧漢節世間風羊裘人盡識
樂是烟波好寧須竿綫勞功高殊釣渭意適似游濠

到江口寺

已絕朱林渡還瞻白塔擎欲從微徑陟復命小舟橫

過祝氏南山

夢寐南山久今朝始一來主人雖不在亦許步崔嵬

止宿寮

雖云居異方政自生同宇不但擷園蔬仍須催釀黍

濠樂

韓悲沮洳居賈歎尋常瀆何似老莊周逍遙一篇足

海棠塢

嘗哦坡老詩未識柯山塢想像亦好園規摹自渠取

石門塢

溪已曲更曲塢仍深更深端居與奚自出處各何心

衡嶽

鄴侯書堂亦
以石為門

悠然亭

亭能招南山徑亦栽黃菊我乃願師陶過公期託宿

小山

昔人評畫圖咫尺論萬里公家一拳石意趣端如此

聞蛙

驚蟄已數日聞蛙初此時能知喜風月不必問官私

花嶼

楊垂空寄恨草碧會添愁祇有花無數春風醉不休

弄月亭

明月故在天何自墮此水倘匪騎鯨人孰能相料理

茶蘼洞

春花苦無陰況與花俱秀好在月明中仰攀仍落嗅

雪中三憶三首

憶我山中竹長身立崖谷勢重且搶頭誰歟搖蕞蕞

憶我園中菜栽遲科未敷哀哉被摧壓端亦似人癯

憶我簷間梅臘開餘未破未破想深局已開應稿墮

至日雪後簡在伯二首

一雪頓能晴江山萬里明故勝茅屋底空聽滴簷聲
灰裏撥陰何思君欲就哦還憂好時節來攬或遭呵

長田舖二首

野驛人稀到空庭草自生霜清殊未覺雨細更含晴
晚入東西路秋風長短亭悲歌渾欲絕哀淚不勝零

宿竹瓦舖二首

投鞍纔近午置榻已成曛豈乏道旁店恐逢梁上君

連根煮菜種帶葉藝生薪瑣瑣無庸歎區區媿此身

落葉

捲捲從何起多因為晚風飄飄久不下還復反荒叢

花屏

陰能間其疎竹可扶其弱點綴自天然詎須金孔雀

種菊

甘菊移時晚少陵曾有詩落英胡可待已分阻長飢

次韻審知寄贈

以我思君見知君念我還相逢勞苦外
逕問竹平安

微雨三首

雨絲情脈脈
雨點淚浪浪
無處堪回首
如何不斷腸
大雨若盆傾
小雨如絲亂
盆覆幾時收
絲長何日斷
雲深不見山
雨密還遮樹
相見說相思
相思說何處

赤岸道中呈斯遠

小雨洗紅葉
青山舒白雲
秋風有奇處
我友得平分

寄懷

雨足新晴後涼生靜夜時支筇誰得見惟有鷺鷥知

途中雜題六首

人疲故思息馬倦亦成噓彼政嗟吾役吾寧陋彼居
石有千年蘚崖懸百尺藤祇疑雲尚合忽見日初升
山果秋皆實山花晚更馨鳥飛時暗落風靜或微聽
下壑疑無地高崖恐接天端殊益州馭敢盡祖生鞭
樹合猿啼遠崖荒虎跡新尋常慣居者辛苦恐行人
異俗吁成怕吾身行若何略人仍負擔祭鬼更鳴鑼

立春日小飲

今日青春立今年白髮多酒杯欺我老梅朶奈渠何

嚴從禮求先照軒詩

日上照萬物心明觀一身為光詎資火在我不關人

讀朱先生雲谷詩

昔在龍門勝祇今雲谷居吾州端不遠曷日從籃輿

寄審知

楓赤蘆花白扁舟夜泊時平生故人夢細雨說相思

贈筆工

食肉既無相良工徒苦心吁嗟君類我何處覓知音

老梅

穉梅非不佳顏色終數腴惟此老不枯故能清且臞

籬落間見凌霄偶書

凌霄何自名緣木與俱生底事因蓬附故為亦蔓榮

金鳳花

既知梧留鳳寧令鳳在奴胡為五色羽散作一庭花

口占三首

殷勤語舟子舉棹莫怱怱
恐怕鴛鴦伴飛息不得同
鴈鴈呼其羣飲宿不相放
春至且北歸秋來復南向
溪頭柳依依溪畔草離離
草木本何與行人自愁思

用一代不數人百年能幾見為韻詩賦十章呈

陳君舉

東南固多賢莫與永嘉匹
王鄭已騎鯨輩流公第一
公乎不為文為必行于代
誦習孰其人兒童兼老輩

昔人頌詩書論世猶尚友生幸同斯時識面可獨不
人言會合難會合端有數公不絕檣洲我政長沙住
雲物瞻閩嶠風聲望海濱如何一年內頓得見斯人
賢愚之相懸千萬或什百所以天地間寥寥苦難索
山色仍前日梅花又一年休為招屈些好泛渡湘船
少小耽文字初非哲匹能空令為已學老矣見何曾
桂陽去衡陽道里端能幾倘許釣竿投春風叩葭葦
流傳昔多聞邂逅今既見顧我何足收期公示深眷

田家即事八首

水汎將晴霧山行欲雨雲
鷗翻隨渚見雞近隔林聞
十載溪山夢一川桃李花
春深猶是客幾日定還家
社鼓村村急春流岸岸高
雙分待魚驚紅認隔溪桃
波靜童閑笛舟橫翁賣魚
村村皆樂業處處盡安居
行役渠憐我生涯我羨渠
太平今有象隨寓即吾廬
老屋愁風破空林過雨乾
飄零黃葉滿寂寞野香殘
下田已鷗沒上田更龜坼
欲知雨未已看取雲潑墨

田夫荷鋤去乘水護田缺田婦貰酒歸相與慰勤力

六言絕句

海監院惠二物戲荅

打粥泛邵州餅候湯點上封茶軟語方爐活火清遊斷
岸飛花

遠意

不待蒼然暮色可應萬里須論要悟須彌芥納莫夸雲
夢宵吞

次韻斯遠見夢有作六言二首

白也江南逐客少陵因夢成詩我亦移官衡岳驚鳥未
有安枝

幾欲罷官歸去未應形役能拘蟲蟲竒峰晚對豈如雲
谷同趨

戲作梅花六言未就而得蘭一盆并頌之三首

絕歎園林枯槁頓驚溪谷精神兩鬢我終如雪數花渠
可回春

死欲千秋萬歲生
須四海九州人
裏封胡羯末詩中沈
謝曹劉

梅句商量未穩
蘭詩擁併人來試問
關山細雨何如茅
屋蒼苔

發潭州後作

昔日道林嶽麓每逢圖畫詩篇
今日羸驂東首却成慘澹雲煙

幽居即事八首

遊絲落花春盡綠葉青陰夏來雨潤苔錢更積風清竹
戶頻開

筍迸階石欲落樹成窻影疑深未能作有畫句聊且弄
無絃琴

枵腹搜詩甚苦睡眠看山若無得飽徑成嘲弄稍醒便
欲追摹

空山百族鳴禽靜聽無非好音何止勝俗人語便可罷
無絃琴

月皎白髮可數冷風病骨難支何許林中肉醉誰家世上錢癡

世事不關幽事睡魔可伏詩魔隱几灰心南郭無言示病維摩

雨壓藤架半倒草荒支徑新鉏尚有詩翁入社未妨俗子回車

及此風收雨止坐看月缺雲移未辦敲門賒酒何妨覓紙題詩

因書寄黃子耕六言三首

舊謁南州高士必過江夏無雙吊古已悲哀柳懷人更
隔長江

忽有長沙使至為傳江右書來茅屋于時已黑青燈為
爾頻開

自失孤山杯酒兩年相望梅花交友平生幾許差池重
復成嗟

蕃丙午冬分宜見公度簿公尊兄已而邂逅于

宜春蒙以蕃與徐斯遠志別六言之韻作詩為
贈久未和荅今日東歸乃克賦之蕃欲自澗鋪
過廬陵謁雲臺先生又惟公度亦不可不別故
寧迂來問安福路云四首

繚繞竹青沙白綠情政可生愁寂寞鴈秋猿冷未妨相
與成遊

往別政當冬仲今來再閱新涼簿事知君不短嘯歸歎
我何長

近事真堪深駭欲言未可輕論喚起莊周蝶夢多由杜
宇啼魂

捷徑雖云可去故人有約難休往矣百書一面豁然一
日三秋

三月十一日

少年意與春競老去全將病供鵲噪芳陰樹樹蝶飛幽
夢重重

贈別周文顯三首

苦節雖非中道清風要激貪夫寂寞掩關高臥紛紛頓
轡長途

有別動五六載相過才一二朝白首我方糟麴素風君
欠簞瓢

夏旱更憂秋旱江南未卜湖南兀兀相看蹇步蕭蕭重
跨羸驂

龍游道中三首

下水櫂輕如鷺泝流帆敏于鴻人心願禱欲遂天意若

將無同

山連遠近慘澹水合東西渺瀰舊說詩中有畫今成畫

裏尋詩

晴山陰雪猶在西下東風苦高眼貪白鳥孤沒耳怕哀

猿數號

從莫萬安覓柑子并以玉山沙藥合寄之六言

三首

憶過萬安連郭家家碧樹團欒想見如今霜後摘來可

口甘酸

我識令君人物傳
柑合侍清都寂寞當思林下有時病
渴猶須

世態多隨燥濕物情大費隄防
遺以藥筒如截取其勿
敗甘香

贈耆英見過題贈六言四首

庭空不張爵羅林靜可窺鳥窠
髯曾暇能過我誦詩口
若懸河

大謝文經長公觀妙有廣之風君今玄文白首肯誇鄉
里兒童

衣敝不羞孤貉氣華正在詩書窮通故是有命天也豈
人力歟

我敬大門名節絕歎乃孫賤貧故知風氣猶在不肯叩
戶隨塵

次韻斯遠別後見寄六言四首

避暑真成畏病逢秋便覺生愁回首南山幽處有懷數

子同遊

早勢東南已病秋
風早晚室涼藍縷青衫可笑蕭條白髮增長

學道了無得處空云孟子魯論為文老益退步懷哉賦
鵬招魂

子國有黃叔度女子識韓伯休晤對可忘長夏分攜況
值新秋

次韻斯遠重別六言四首

欲語動懷抱惡重吟生肝腎愁平生幾為此別今年又
作南遊

微祿我嗟趨走窮苦君厭荒涼謀道與之謀食未知何
計為長

不憚輿籃百里要成對榻深論論自衷懷易感況因遠
別傷魂

君才絕出輩流語不驚人不休莫歎陽春寡和會逢知
我春秋

次韻蔡叔清六言二首

陶潛必遺俗患侯喜新有詩聲容我深藏蹇步看君大
展修程

牕戶初乾宿雨林園已報秋聲欲訪殘僧野寺未妨水
宿山程

淳熙稿卷十六

欽定四庫全書

淳熙稿卷十七

宋 趙蕃 撰

七言絕句

呈潘潭州十首

西江亭上東風客
鷗鳥重來似亦馴
買得小舟連夜發
不知肯別定留人

江邊石上白皚皚
遠對難分李與梅
因是欲占春早晚

桃花一樹有新開

梅花初出炯如冰未許餘花似我能太息天公不
加意放教風雨苦侵陵

楚國固多蘭與荃長林野水若何邊樵夫政自不知貴
採賣何曾直一錢

微官本欲救飢寒欲這啼號政爾難不是賢侯任吾恥
未容陋巷樂瓢簞

犯雪渠乘訪戴舟不逢安道便歸休我今一月春風裏

縱復回舟匪浪遊

昔者湘西借榻眠自嗟老眼負青編雖然舊識山中趣
絕愛松風瀉百泉

少陵已入嚴公幕徐孺還為仲舉賓自愧無詩復非隱
況堪謀食更憂貧

滿城游女競紛紛柳岸桃蹊晝復曛不道貧家有機杼
夜窻燈火尚加勤

臂膝真成具老形每逢趨走歎伶仃故園松菊幸亡恙

何日扶藜得屢經

呈愚卿昆仲二首

百箇脩篁一樹梅
蕙盆蘭斛共相陪
客來不但繙書帖
興至更能傳酒杯

憶過君家梅半開
梅花未落我重來
尋常一飯履迹掃
獨向君家不記回

呈明叔七首

近郭梅開應已多
幾思扶策奈慵何
興來起覓牆陰樹

點檢無花除病柯

今年梅愈去年多我亦催行奈汝何此樹與君同所植
交情要保歲寒柯

屋角梅開才一枝道人眼淨得先窺寒廳政爾猶官舍
不似茅簷見汝時

一枝自可不須多少已難知多奈何漢殿紛紛鏘劍佩
桐江但有一漁簑

手種竹邊梅一株地幽終覺病而癯不然我爾要相似

異日重看瘠解腴

歲寒誰覓此窮交只有梅花發故梢我坐多言得窮崇
不應于汝更輕嘲

伯威雖拙詩故巧我拙似渠詩欠工竹溪想見梅花發
問訊窮岡今不窮

呈子肅三首

坊靜行人畫成絕柳吹黃葉落毵毵知君不作官居看
陋巷舊語人不堪

憶過君家黃堰居春風楊柳政扶疎人生離合自多感
邂逅更當搖落餘

牢落空房我掛包憶君過我夜推敲東南大半行將遍
應有新詩許借鈔

呈楊謹仲二首

清江郭內千竿竹愛此渾如屋上烏我亦山中富此物
若何奔走為飢驅

南浦相逢使蜀船為余高舉送行篇我行縱有榮枯異

可乏新詩處處傳

近見陳擇之誦送行詩有太白休愁橫閭嘆少陵刺賦浣花春之句以為

絕唱先生又云金沙銀鑾巴中路綠水紅蓮幕下賓此一聯尤為親切

將至信州呈季承

行役將窮興未窮百篇酬唱與君同人間此樂胡能再
何處江西更古融

張帥置酒環波觴孫會之簽判嚴造道主簿及
著作絕句呈二君

炎蒸三伏有無中十里荷花四面風巖瀨蘇門兩奇侶

一尊共德使君公

呈折子明丈十首

兒時已見葆真詩寫誦抄藏不憚疲白首始遊衡嶽寺
扶藜處處讀苔碑

朝廷經略在中原西北人才要討論節傳曾聞付吾屬
瀟湘可俾臥林園

故家人物幾沈淪公獨風流似昔人不但金聲吐佳句
尚餘玉立聳長身

不惟句律有家風
筆陣仍推大令工
茲道祇今殊寂寞
求公須向古人中

曾門昔作廣文官
先正曾同肯宿盤
交道不惟當日見
遺風更俾後人看

相逢幾說李端公
未報舒州謝表通
要識淮南佳絕地
潯山皖水莫之同

屬李粹伯大

舊有園林新近開
鑿池培址遂成臺
臺顛縱有蒙籠處
不礙遙山次第來

如聞欲印葆真詩我亦猶多未見之副本僅蒙輕乞與
真成暴富託窮兒

客舍潭州又一春花時風雨困頻頻欲知夏木扶疎處
好挂陶翁漉酒巾

道山峻峙不容攀咫尺今遭風引還聞道公曾踞其上
莫憎官府久人間

范參政自建康得資政宮祠六詩寄呈

聞道石湖天下奇城南未數閬州稀江山勝處世或有

祇欠若人相發揮

細思不是乞身難
政為貧賢不放閒
奏疏比聞頻叩闕
詔恩今見許還山

出處如公亦甚都
不攜西子不思鱸
三高異日當為四
不見方嚴與范俱

一再將書託置郵
渺然殊未亦湛浮
平生願識纔能見
別去于今歲又周

風月滄浪自逐臣
煙波甫里亦遺民
未聞官號大學士

辭遜雍容得退身

我夢石湖堂上書煙雲鷗鳥不關渠奧篇隱快誠難了

辭願一鷗開鑠魚

奉呈何叔信魏昭甫三首

寒廳寂寞不知春登眺招要藉所親始謂姑傾一杯酒
已焉顛倒白綸巾

梅花寂寞已飛仙一夜春催杏欲然老眼看花愁欲眩
卻憐草色靜芊芊

春風大屬野櫻朱樹樹相望綺不如卻憶山家籬塹畔
十分春日付誰渠

送前始興謝令二首

維舟疇昔見南昌杯酒還能共寶坊我自解君庾嶺意
清朝使者得梁揚

江南梅事已吹殘想見嶺南青作團邂逅詩成肯相寄
憧憧驛使入長安

懷東園寄趙令

遶屋扶疎孟夏時東園政好坐題詩水窮盡處山燒禿
歎我不知春已歸

次韻劉寺簿二首

山寺方同祭祀齋忽驚繭紙一詩開從今儻使親餘論
願借摩訶門許數來

草樹扶疎書滿齋夜窻燈火酒尊開知公善誘蓋前輩
不以見聞嗔去來

送曾季永赴道州永明尉三首

西昌閭閻推曾氏夫子家居仍舊溪我政結亭臨水際
君行誰與共攀躋

去年洞賊驚柳道聞說居民甚可悲太守只今誰漫叟
春陵示吏兩篇詩

憶昔曾聞謫道州每于文字見曾遊白鵝寺近永明縣
試覓記碑還在不

投王饒州日勤四首

福星誰遣出虛危帝念鄙人困數飢試問公來若為政

皆言吏瘠與民肥

我行三日鄱陽路每向居民說歲年蕎麥吐花勝宿麥

山田小旱熟湖田

為政懸知如治疾豈求湯砭一時功但令安養無遺策
膚革充盈由本豐

使君本是經邦手聊為疲民滯一方直道正聲誰可擬
百年文正故堂堂

喜雨投詹信州口號六首

插秧未了早愁乾民不知由作屢歎天欲明吾使君政
故令一雨示艱難

使君自是為霖手要雨雨來何旱憂報爾田家但勤力
今年定有十分秋

昔在烏臺譽已休旋分符竹政仍優論思未即歸清禁
歷試何妨又一州

開藩甫及四十日籍甚治聲過所聞吏畏神明簡朱墨
民懷清淨樂耕耘

使君笑別赤城僊來結山中

謂懷玉山

大士緣仙佛將何佐

佳政但當惠我以豐年

久晴政為收蠶麥好雨從今及稻禾
試向諸生選何武
要歌樂職頌中和

投曾秀州逢四首

我向茶山得屢行至今人說老先生
九原不作吾安仰

宗武宗文賢弟兄

茶山寄公兄弟詩云欲寄宗文與宗武一春風雨大江橫

人物如公迺作州不知誰合致公侯
清名不與官稱等

頗解天公用意不

有蟹無監乃樂邦人生如意信難雙公才自是明堂用
寄語蚍蜉盍少降

請到江西得正宗後來曾呂出羣雄大陽遺履歸何處
端欲從公一破聾

與李衡州嶧四首

忽逢旗鼓去翩翩道上行人喜欲顛為說吾州新得雨
使君惠政實闢天

跨驢衝晚背常山急雨飛來瞬息間問訊元從禹迹洞
我家雖近卻愁慳

黃塵撲撲倦征途忽雨能來快洗蘇旱接夏秋纔得此
一身寧敢數沾濡

洪井登龍記昔年祇今太末又行纏餘波所及蓋多矣
一夜水高溪有船

用洪覺範詩為首作四絕

剩水殘山慘澹間道人名宇滿江干向疑此語來天上

何意真成朝暮看

釣舟無事白鷗閒自是江湖境界寬我欲汎然隨所往
竹君誰與報平安

箇中著我添圖畫能畫今誰如輞川但寫一簑仍一笠
不須羽服記蹣跚

便似華亭落照灣要人彈壓媿詩孱餘霞散盡空無綺
新月初升勢已彎

塗中每息必索硯筆抄詩作廿八字

望望青山亂作推行行身到白雲隈偶逢道店聊休歇
又被忽忽詩債催

寄懷二十首

晏齋生理比何如破硯今來亦已枯珍重此君為耐久
澹然相對祇清癯

早風吹野未成陰空喜孤雲出寸岑飽食便知難自必
茶甌小注莫令深

陰晴竟日漫難分遠岫猶藏欲雨雲嘆息無言桃與李

一年蹤跡又紛紛

正月山園未有花
梅花落盡亦堪嗟
瑞香莫與蘭爭長
獨立風前自一家

春風底事苦欺梅
舊雪未乾新雪催
元自不儕桃與李
何須著意苦相摧

讀書萬卷不充飢
枵腹吟哦大似癡
不是鄰僧能送米
囊空何以續晨炊

縣官寬減去年租
癯老扶攜聽詔書
和氣定能消冷氣

未知天意又何如

早禾栖隴待晴收
雨欲為霖勢可憂
似覺朝來烏鵲喜
便攜童穉過西疇

扶疎夏木已來禽
安石榴花出樹深
六尺紙窗明棐几
迸堦閒筍欲成陰

棟樹層層細著花
日薰香暖蜜蜂衙
客來僅有論文興
活火風爐自煮茶

春今五日如京兆
風雨更堪摧折之
我病不能知許事

飯餘捫腹細哦詩

秋風常恐到無期一雨便興搖落悲疾病相攻今轉甚
囊空何以致高醫

破屋支撐風雨餘世間種種不關渠忍飢要慣無他術
過午未炊猶讀書

終日搜詩思不枯坐間失喜折冰鬚寒窻雪滿無人到
伴我一枝梅更孤

雪沒東園一徑深頻驚飢雀落空林疎明自喜山房小

更聽哀絃空外音

下水乘舟恨少灘
汴流翻恨汴灘難
人生淹速祇如此
何必區區千萬端

祝融香火我亡緣
還上江頭上水船
賴得江山舊相識
登臨到處一悠然

忽忽離家且一年
春風又是海棠天
還家何以遺妻子
傾倒囊詩近百篇

剩水殘山覺範詩
汎然孤棹去何之
倚檣吟嘯元無忤

誰信今朝無早炊

早起陰晴殊未分
杜鵑何許叫深雲
眼中忽爾生新句
何異風行水面紋

見馬奉先寧祖詩于伯言處題其後

聞說湘中馬奉先
數詩初喜見流傳
何處宜州勿多薄
金華曾識老詩仙

從歐陽全真借觀陳擇之蜀中詩題其後

書去方懷蜀道長
寄書未達忽傳亡
那知今夕辰陽郡

灑淚殘詩十數章

題曾幼度詩集後二首

江南山水盡宜詩
幾欲經營竟不奇
不料此編能到手
意曾關處輒能知

客路東西曾數州
詩成寧免暗中投
我今辦取逢人說
傾蓋懸知勝白頭

閱韓伯修集示其子二首

吏部名高世所尊
一傳曾說誤金根
陵陽父子風流勝

政似蘇家擅蜀門

詩篇圓熟無凝滯四六雍容有典型請君持上圖書府
要與紫微俱殺青

途中閱曾運使所況文清集得四絕句寄之

玉山冰水是吾家城郭屢過三姓茶滿庭修綠誰人種
高節歲寒仍有加

舊抄題作茶山集每恨不多看易窮全編敢意落吾手
何自得之從長公

兩賢堂下千竿竹蕭散風流政昔時何妨乞我一灑掃
不用文移只付詩

桃源梅嶺幾成遊天欲昌詩不自由一代如公才得此
五溪著我更何尤

從趙常德覓鼎帖

字法微芒久失真時聞鼎帖尚精神小詩試向鈴齋乞
近舍遠求公勿嗔

從元衡借廬山記偶成三首

吾家昔住匡廬北
少小未能知看山
南北東西今老矣
欲從圖籍見班班

要為冷語豁心胷
孰若相羊澗谷中
試把遺編一開讀
恍疑澗谷為鳴風

山南山北富深幽
羽服方袍占上頭
吾道纔餘白鹿洞
寂寥幾載有新修

題王遠父所藏蘇滄浪帖

吾家舊物見君家
說起漂流屢嘆嗟
甚欲持歸試摹寫

不堪病眼已昏花

讀二傳作

長卿召問自狗監子雲待詔因王音得官甚薄不抹辱
作賦可憐空苦心

以介庵集遺成父

弟曾一識金川驛兄蓋屢維千越舟羣書博極詩無敵
乞爾此編無暗投

林湘鄉出其先人詩卷題其後二首

知公苦急簿書仍留我閒窻語夜燈更出此詩令細讀
今宵有夢到松陵

松陵我亦屢曾經幾欲張帆過洞庭願借此詩傳善本
教兒誦讀醉時聽

以窮藁借金真

平生不識宋亨伯老去手將窮藁編六一家風真好事
要渠行世欲抄傳

題淵明采菊圖子璿所作

雲出無心還自歸
亂峯明處日西微
白衣不至東籬寂
滿把菊花風動衣

以短軸從楊謹仲求字
僅書其半而見還絕句
戲謝

先生字有千金直
乞取寧非亦坐貪
更欲從公請終卷
又虞賣菜或蒙慙

從潘丈求字二首

東髮學書今白頭
腕中無力合休休
規模尚欲從公乞

翰墨于今第一流

摩挲石刻嘆微茫
孰若汗青移硬黃
几淨窻明肯遊戲
千金便當橐中裝

題沈弟所作短軸

冥冥細雨熟黃梅
欲起看山懶又回
咫尺忽能來萬里
恍然墮我曉船開

作詩政欲江山助
老矣東西南北人
弟却把詩摹作畫
東西南北是知津

帖永新韓主簿

韓君惠我涪翁帖三世風流不在茲諸老當年會臨汝
更須多有未傳詩

魏昭父惠新刻李西臺諸公帖二首

墨妙初聞探錦囊刻成愈覺爛生光登登打就分來處
雨合新篁夏日涼

翰墨要知真有種怪來下筆每多姿不如家學相傳授
玉軸錦囊皆得師

帖者英

朝來霰雪遽如許
忍凍髯曾應屢
哦急送餅芽并致炭
助君灰裏撥陰何

跋長公帖

每見故家觀故物
輒思前事念前人
錦囊玉軸千年祕
澹耳珠崖萬里身

題劉正之少陵像二首

逢人欲問成都事
見說成都信便迴
欲問草堂亡恙否

恍然圖像對人開

我今即有湖南役準擬扁舟泊耒陽敬謝此圖非久別
會傾桂酒奠椒漿

鬻菜者

早禾未熟晚尤遲賣菜歸來始得炊穀者本從田戶出
未滋反取市人嗤

晚晴二首

山中岑鬱倍懷人況是春來陰雨頻到得小晴堪細履

又嗟落莫與誰親

空山草木固能長
邇日曾經剪伐荒
一笑為渠成解說
政防妨我步斜陽

王主簿以湘潭檢旱詩卷為示用其廣惠寺蠲
放韻謝之

早年蠲賦本深仁
州縣寧聞以實論
細讀賦詩知用意
是為憂國愛元元

隴畝循行不憚難
是知漢詔本從寬
講求利病非無補

老矣猶能策治安

曲江道中二首

舟下豐城十里餘
樹煙鷗泊盡人居
是間欲畫已不得
況有亂舟來捕魚

曉甑初炊早稻鮮
傳呼與覓賣魚船
可憐彈鋏竟成恨
空對筠簾翠柳穿

買魚于釣舟皆為販子所
先欲從市之率健步不顧

以筍送諸公二首

蘭在當門未免鋤
竹生那可礙階除
莫言無罪充庖宰

自汝為生託地疎

昔聞市上三時賣今已春深見未嘗莫道寒廳只寒相
及時也復事分張

張伯永和詩以僕送筍減于常年復用韻以調
一笑

竹薄方思漸補鋤筍時可得盡驅除此生已負管城債
計且不悛真箇疎

八珍既飽思持去借問何如一齋嘗筍例減常猶費說

可堪餘事極更張

孝揚成父約頌晴見過二首

積雨能涼故自佳
候當秋早欲收畬
頻宵佳月連朝霧
霧破山空日已斜

雨來喜道車田苦
晴至欣成穫稻忙
協趣終焉在農舍
倦游不擬老官倉

題子璿浯溪圖

璿之戲墨萬之詩
不到浯溪坐可知
凜凜元顏千載意

若為付與水雲期

題堂下桃花

桃花顏色曉猶深
薄暮風煙已不禁
人生抵死朱顏恃
不料青銅霜雪侵

晚登鄔子亭用壁間韻四首

前二首向
吾叟韻

秋入江湖事事幽
未妨著我詠洪流
水居三兩似相識
苦問來船仍去舟

朝行忽爾逆風顛
已到津頭尚聳然
不似漁翁易夷險

雨簑晴笠住忘年

中流掀簸勢難停
望斷龍祠與戍亭
胡不少留風止去
塔鈴昨者故丁寧

何處鳴榔歌濁清
鷺飛鷗舞慣忘驚
卒逢已覺翩然逝
猶欲因之問水程

入嚴州界二首

朝來爽氣致西山
孰愈嚴州百里間
傭販懸知盡冰玉
不惟二士眇難攀

有山如此可忘看政恐輕舟下急灘
卯酒一杯扶病起
秋風千里怯衣單

白髮三首

始余髭髮未白時詩中多與言之今乃信然
不足怪也作三絕句戊戌十月十四日豐城
之寶氣亭

憶昨鬢毛殊未白斑斑已復見于詩
天公嫌汝底相耗
故遣齊生不待衰

葉落歸根莫漫悲
春風解發次年枝
人如草木空多智
一老寧聞再少時

少年志願立修名
隱顯悠悠略未成
倚賴少陵詩不誤
白間會有黑絲生

次韻東文初九日過先壟

剝啄敲門走夢周
夜來一雨潤方收
徐郎示我郊行作
亟起諷之天定秋

耕道十年無九秋
無田長抱老農愁
因君動我東書感

君子惡居惟下流

枕上

道人急打五更鐘
窗外悲風正吼松
歸夢不須驚久客
驟寒便欲作初冬

次韻劉子道幾宜送酒

窮居誰肯念窮愁
況復淒涼雨似秋
疾置送詩仍餉酒
喚回落日在簾鉤

因翟子固行送酒楊謹仲

君行為覓清江宅水竹依依自作鄰問字未能從好事

一壺聊為乞詩陳

公許作官舍三題子
因亦欲求公詩云

季永和詩索酒用韻送酒二首

珍重平生書五車不妨有子更持家小閒便欲巾車去

只欲論文非看花

我貧無酒為君歡渴夢相從碾鳳團薄暮白衣纔有饋

試令分減愧酸寒

鑿磨嶺

複嶺重岡向背迷瘦筇深與病夫宜早禾未割尤艱食
過午人家猶未炊

題曾真君煉丹井

樟源嶺下煉丹井建德道間仙女泉埋沒只今誰汲引
信知名字托人賢

衝雨投宿石佛院次李承留題韻二首

塵埃彷彿前朝寺客子今緣避雨來欲訪當時漫亡得
綠叢蕉並野花開

石佛如今安在哉至人無往亦無來山僧顧欲談遺跡
說道空巖閉不開

題石潭觀音院用王樞密庶愚丘正宗韻二首
老衲迎門祇敝裳問年還舉四山黃誰云此院通衢著
渠自長閒人自忙

所至滔滔不問津故知此地往來頻從今更識林間寺
再到不愁無主人

讀介菴集題其上

風前舊揖青綺帔老去今披古錦囊千古未忘圖像拜
也知風骨類文章

代書送橘沈臨江

誰貽新橘兩筠籠尚帶霜林錯落紅轉送清江供壽酒
草書因病廢匆匆

從俞少孟覓橘

憶昔為農近石田年年為橘走霜天大踰三寸曾何直
裁得開元斗米錢

從李崇道覓潘衡墨四首

人言潘谷久騰空
衡也崎嶇隱墨中
谷見坡詩衡用訣
了知真是一家風

眼寒不識黟川李
相好長迷大禹圭
見說潘郎親有女
獨能傳業向深閨

丈夫久弭江西節
聞道諸侯尚掃門
簷有玄圭肯分似
從今默默面稱冤

識字才能項籍欺
竈煤研瓦分甘之
如何乞索忘唐突

擬賦江南鶴膝枝

以酒錢送明叔二絕代簡

酒錢時乞故憐蘇三百青銅寄與沽硯水長枯肺仍渴
可茲涓滴所能濡

我乃病多長止酒有時渴夢落江湖江天濶處識君閣
要破熟茶共囁嚅

登清虛亭

步上危亭欲細看忽驚風雨暗江干此身不作蠻州鬼

猶擬扶筇再倚欄

十八夜宿秀城外

月子彎彎四面歌
扁舟今夜泊嘉禾
頗欲歌呼起相和
一聲軋軋又前波

山行見野櫻桃花

徐行歷歷轉深隴
人意何如鳥語同
山路梅花渾掃迹
春風盡屬野櫻紅

將謁延廬州行至板橋忽病而止復還建康以

五詩寄之

驅車曉蹋板橋霜頭為岑岑勢莫當
頗念索衣為禦具
可憐行李祇空囊

數載炎州不慣寒並江已怯瘦
藥藥舊識淮南今更老
絕知于此亦良難

欲前復卻路成迷冷日悲風為慘悽
以口語心千萬種
可能一一見書題

袖詩已失天津面路返新林病豈期
一見可能難若此

定繇或使豈人為

甌倒懸知解死飢故殊道路永為嗤我今恃有彭州牧
二柄寧當復誤疑

寶相書院

已矣騎鯨去不回悵然猶詠早歸來空餘舊日讀書地
水遶山圍似釣臺

自造口放舟至道林院偶題

曉起乘舟江上涼畫攜蘄竹臥僧房隱雷驟作分龍雨

限我瀟瀟幽夢長

觀曾文清詩刻

我訪茶山公已僊
向人惟有竹蒼然
摩挲欲問當時事
竹不能言風為傳

夕菴觀吳壽寧畫

樛木蟠崖錯節深
拍天風浪捲江心
有人來問夕菴境
萬里孤雲無處尋

觀祝少林所藏畫三首

蕭寺相從三十日知君有畫未曾窺烟雲過眼還收去

恰似憑欄立久時

朱元
暉畫

沈牛二可歸耕去百尾言之無乃多安得神仙張果老

為君叱起滿池阿

百牛
圖

吾祖曾為沙苑牧有孫窮相合騎驢朝來忽起馳驅興

為見龍眠十馬圖

李龍
眠畫

簡見可覓畫三首

我居何有惟脩竹一日真成不可無別後平安久無報

為予十日寫成圖

白頭流落離騷國香草雖多獨嗜蘭猶恨芳時有衰歇
要須貌取四時看

少文忘卻行山脚收拾經行入坐中我亦江山欲歸去
自無畫手得君工

觀徐復州家書畫七首

草衣舊識牡丹碑字字騰拏更崛奇我亦參軍成潦倒
愧無筆力欠渠詩

潘道遠字草衣寺在信州水南有道遠詩云水南間有牡丹花多少遊人

耳畔誇潦倒參軍來看
晚數枝已謝病僧家

蘇公書法自顏行猶謂蔡公居第一
見東坡跋歐公論書帖我窮

頗亦類賈胡筆勢翩翩疑可識
蔡蘇二端明帖

世人競寫襄陽字政似云師太白詩才匪若人寧躡等

自顛自醉祇成癡
宋元章字

曠懷誰不作山遊誰似柳州談永州何能乞我一片石

刻此數紙俱傳流
克齋舅寫柳州永州山水記

萬竹陰中屋數間幾回剥啄叩柴關忽聞短紙霜雪幹

如對照人冰玉顏

楊謹仲所臨
文與可墨竹

誤筆猶能作犝牛信知書畫本同流不惟下筆蘇仙似

更似斯人不可求

楊謹仲草蟲山谷跋坡公書有不可
乞之語舊嘗從楊丈求字具與頗艱

並竹作門亭得山我來還值雪消殘江梅未有臘梅破

大室不須香屈盤

簡全真二首

捐棄悲歌詠白團未忘衛霍內金盤要知公子貂裘煖

孰若山人短褐寒

我詩每覺就忽忽君句由來詠歎中
愛我更能憐我友
誰云南北馬牛風

奉簡欽止兼憶斯遠

前日叢篁苦蔽溪祇今簷與四山齊
裴回有句不能吐
要與乘涼一杖藜

阿連聞說有歸期
準擬俱來賦此詩
已是欲行還小住
縱令頻合故傷離

口占簡去非

春風春雨急仍顛聞道遠勞從事賢軟脚不應惟命酒
池塘生草要新篇

奉簡在伯四首

淵明種秫有公田鄭老時時得酒錢笑我作官渾乏此
自炊斗酒慰饒涎

先生自合飲官壺野老端宜滿眼酤白酒釀成聊送汝
未知濕沫與江湖

書中舊學來禽帖今日蠻州得飲嘗要與先生共咀嚼

更將煮蜜助甘香

落日餘霞已自奇
況于人靜月明時
重城著我非無意
前遣先生獨賦詩

簡徐季孟

月臺臺上幾經過
白髮重登奈我何
樹影漫能參獨立
溪聲無復亂長哦

不到西湖又五年
況當風雪探梅天
出門有愧登山屨
尋友空回訪戴船

我詩雖老竟無上君句能佳更不窮立論曾聞紫微老
贈篇期見習軒公

問訊西湖舊隱廬水邊雪後又何如祇今付與誰人手
藉甚詩名白社徐

南山最數月臺高曾著能詩何水曹略計出山今幾載
生令梅賦闕風騷

自從傳得婺州詩南北飄零闕後期一紙忽來湖上信
恍然墮我水仙祠

故人索我近題詩何處如今更有之十載未論前日夢
一枝還動昔人思

簡周文顯借王有道集二首

鄉人不識王有道杯上空傳唐校書聞道遺詩尚多有
典型不似晚唐餘

先生風節昔人似白髮簞瓢猶嗜書家有校書詩百首
可能乞我助三餘

代簡琛卿

金少曰八
卷十七
是處梅花與雪融
竹間開晚正玲瓏
陳君為我言如此
折贈當期慰眼中

琛卿為梅置酒用前韻

背蔭初疑星未融
細看真有映玲瓏
興深且約諸君往
明日當愁著土中

琛卿論詩用前韻示之

活法端知自結融
可須琢刻見玲瓏
涪翁不作東萊死
安得斯文日再中

簡嚴承務二首

玉梅遭旱頗蕭然清潤思逢得水僊

謂得水而能僊非直謂水僊也

出

門一笑不易致許送茅齋端可憐

霜鬣不摘老可憎迹雖未然心已僧舌根鼻觀習氣在
茗椀策勲香事仍

簡嚴先輩

聞道君家綠萼梅韻勝絳袂擁冰肌夜來一雨應堪折
好寄塵牕伴覓詩

簡施文叔絕句四首

草樹陰陰一徑開
飢烏閒下啄莓苔
清風無事自還往
時送官池荷氣來

今日之熱不可觸
閉門養疴適所欲
振衣策杖一欣然
涼風為我生脩竹

營營青蠅揮不去
為問適從何處來
病人埃鬱思一洗
沈李浮瓜亦快哉

世上小兒迷黑白
此翁胸中涇渭殊
少卑高論近流俗

恐妨要路肩安興

簡贈歐陽伯威二絕句

江西人物況歐陽
少有詩名老更昌
左轄雖能誦佳句
子虛胡不薦君王

三年身不到窮岡
詩友飄零半在亡
杯裏縱能談砵砵

鏡中無復鬢蒼蒼

亡友謂
劉伯山

簡俞尉

世人往往嗜甘言
正味多嫌橄欖嚴
寄我要須并海物

花豬頓頓飯難厭

簡陳擇之索詩

遊山聞說多詩句久已傳抄聽小胥屢戒磨門老馬走
門前驛遞不為疎

簡邢公昭丈

梅園想見綠增深竹迳遙知筍出林坐底未能成一出
祇緣多病與多陰

崑山兄惠筆頗佳謝之并呈克齋舅二首

吾舅書名早並詩我兄名譽稱家兒異時大小歐陽體
肯道外人那得知

殷勤雙筆肯輕投識面端能解所由自笑真成似羅趙
流稱安得並何劉

孫子進惠筆乃周壽玉簪樣試用其一已作禿
翁猶耐驅使成絕句二首異日當寄子進昆仲
遂初賦就筆餘鋸贈我蒙探古錦囊耐久固殊流俗敗
含情渾似故人長

遂初賦就筆餘珍贈我多君意甚真累句尚能資借助
拙書猶得長精神

探梅

石上生梅老未枯著花雖少更敷腴要須鄰老深調護
莫遣兒童縱牧芻

晚行見梅

玉立空林一樹梅向人脈脈似憐才微波託使為媒去
一被晚風吹又回

瘦梅

明叔謂今年思隱梅瘦甚成絕句

清虛日集人當瘦
糞壤不資梅合癯
君看霜皮藏玉骨
肯如朱粉關塗糊


永豐尉治神祠前梅已成陰
忽著花七出而無鄂色
又正白衆咸異之尉上蔡謝君子暢有詩
蕃次韻

謝君為吏清如水
神吐祠前不鄂花
我欲將詩道其事

欽定四庫全書

卷十七

却防流詠入京華



淳熙稿卷十七

欽定四庫全書

集部

淳熙稿卷

十八至
二十

詳校官庶吉士

臣吳烜

總校官編修

臣朱鈐

校對官中書

臣吳樹萱

謄錄監生

臣廉永倫

欽定四庫全書

淳熙稿卷十八

宋 趙蕃 撰

七言絕句

智門寺後梅開叢竹間
斯遠舉坡公春來幽谷
之句因成二絕

花開的皪固難知
舊識黃州副使詩
政使盡開能爾盛
孰知將吐乃為奇

朋游落寞每形悲，喜甚歸來慰所思。
况在水濱山崦裏，兩筇相對索梅詩。

梅落二首

春風可是獨嗔梅，不待飄零著雨催。
我欲挽留無上策，戲拈落蘂薦芳醅。

春風次第歸桃李，催得梅花一夜飛。
時序忽忽幾回首，即看紅綻雨添肥。

章少隱嘗有逸句云：片片梅花隨雨脫，
渾疑春

雪墮林梢今日雪後梅已有落者偶與公擇清
坐舉似此詩欣然聯成一絕

片片梅花脫雨輕半飛欲墜更多情著渾疑春雪林梢
墮輸與詩翁照眼明公擇

道傍落梅

一樹梅花古道邊隨風墮落自年年情知所遇合如此
未必春風獨爾偏

蘭溪溪岸梅花

不用溫家玉鏡臺下臨溪水靜無埃若非姑射冰肌至
即是羅浮縞袂來

題楊補之畫梅

翠篠橫侵鶴膝枝江南籬落雪殘時楊郎筆下烟嵐集
留作晴窗覓句資

簡沈沅陵求潮州韓文公廟碑并抄山谷碑詩

二首

公魯數載潮陽掾筆力怪來韓與蘓壁上廟碑當乞我

庶求涓滴潤焦枯

涪翁昔在黥戎貶逸翰遺章久更多字畫公今元祐腳
擬煩妙手定如何

早晴聞啼鳥作

側嶺橫峰面面同霧空烟掃鳥聲中丁寧不用憂泥滑
珍重提壺屢勸翁

伯山因其姪來惠書報以二絕

昔日窮崗今竹溪更生臣向復奚疑此中安否渠能說

懶復作書聊寄詩

蕙畝蘭開梅吐枝近來凡有幾篇詩已令經紀江頭竹
早晚為君修短籬

作五里霧以藏身仰日谷為朝飯坡谷詩也山
中即事頗實斯語作二十八字

無屋藏身霧政昏飯資日谷欠朝暾起居飲食難兼享
儻欲不饑須露蹲

山中四絕句

桃源政自人間世山故蒼蒼水故流不是幔亭張席地
卒然風雨卷山頭

去年徂暑桃源過今歲秋高到武夷不遇名山一來訪
篋中寧有此山詩

武夷仙伯定能詩解賞僊人張湛詞更誦人間可哀曲
飄飄亦復動人思

欲訪武夷毛洞竹路窮九曲更山深道人知我衰無力
乞與一枝酬素心

知府提舉訪求前守凌公遺跡忽於庭廡雨壓
複壁中得公所題詩賦六絕句

辰人只識凌刑部不識尚書晚歲官晚歲功名益堪紀
辰人不識坐荒寒

使君剖竹繼先賢四十于今又六年每恨無從考遺事
但憑亭檻覽山川

不因風雨壁寧隳雅志安和寓此詩前此後今寧浪出
豈非顯晦亦關時

故相魯興告訐風一時多坐語言中乃知複壁遮防意
是謂知公亦愛公

簷淺終防剝蝕灾好移深奧示將來更湏刻石行於世
公道只今方大開

郡齋新刻總珍藏得此遺踪益有光再拜從公乞餘本
歸齋不復恨空囊

立春

臘中要雪逢三白春日還霑雨似膏天意於農亦良厚

何須耒耜我家操

昨日元正今日春佳辰併作一番新試看柳色遽如許
無耐梅花憔悴人

春日每頒寬大詔天公意與聖人同故於半載焦枯後
一雨聊資土脉通

上元口號呈莫令三首

今君憂樂與民同燈火隨時祝歲豐我亦頗懷歸去樂
田蠶處處逐兒童

一瓊華燈直萬錢誰知下里取薪然綺紉照耀臺體
民得褐衣猶破穿

華燈能得幾時新明日當為芻狗陳我識令君敦厚意
不能奉已厲吾民

社日醉起

醉狀初如春水船夢成蝴蝶更翩翩覺來已是情無奈
那更急風吹雨顛

端午三首

謾說投詩贈汨羅身今且爾奈渠何嘗聞求福木居士
試向艾人成祝呵

年年端午風兼雨似為屈原陳昔冤我欲於誰論許事
舍南舍北鵲鳩喧

忠言不用竟沉死留得文章星斗羅何意更觴昌歎酒
為君擊節一長歌

中秋寄上饒赴試親友池陽當塗三沈弟

中秋佳月去年同卧病還應記此翁不但婵娟千里共

客遊俱在大江東

漁父詩四首

掉船晨出暮知歸
舉網驚呼魚定肥
傾倒得錢何用許
江頭取醉暮相違

泛宅浮家一葉間
長年綠水又青山
若為不使兼能賦
始信天公到此慳

風色披披手欲龜
日光颭颭鬢成絲
只今網罟無窮利
樂在竿綸顧未知

早悟君王物色求子陵應已棄羊裘絕知至德終難掩
女子亦稱韓伯休

次韻季承聞田歌

布穀收聲老盡秧直緣避潦有今忙歌呼嘹亮相謹禱
肯媿悠悠道上商

晚行田間書事三首

青裙汲水過前溪白髮磨門兒戲啼試問主人何所在
為言南畝正扶犁

郎罷肩犁稚子前牛行熟路不須牽歸來飯倒羹初糝
洗脚還將草履穿

我生飽識田家趣只坐無田歸計遲縱是無田慵可得
莫將畫餅欲充饑

從趙崇道求蜀紙五首

紫巖點歛畧相同小字緘題寄子公縱使分沾能到我
質麤肉緩不堪攻

舊聞黃雀走頭顱近歲清江亦與俱舒卷定憐無尺枉

敷陳盡可見臣愚

人偽區區信日窮
楮藤苔竹互爭雄
自從蜀紙東南見
几馬真成一洗空

麻紙敷腴色勝銀
冷金凝滑倍精神
自餘族類猶多有
王謝名家總絕人

病起猶餘覓句勤
要題柿葉厭繽紛
陟釐盡付五十萬
今代誰為王右軍

反禽言二首

雨後脩然欲變秋意捐絺綌攬衣裘林間脫袴催人急
時有炎涼底過憂

禦雨無過以瓦為古人樸直致君辭我今閉戶疎還往
滑滑從深三尺泥

聞禽

天公端以鳥鳴春百族喧喧曉更頻最是客中貪聽爾
弄晴憂濕似關人

聞杜鵑

山禽勸我不如歸知我西遊有定期若使藜羹足供給
衡門之樂肯輕辭

鷄司晨者而此邦夜鳴為常不寐聞知作絕句
鷄鳴非時乃禍口那無荒更同疾徐信知南來事總異
不但斯人難並居

簡梁叔昭覓香

雨住山嵐更鬱深病夫晨起畏岑岑可能乞我蓬萊
炷要遣衣襟潤不侵

名香

簡倪秘校覓香

雨合筠窓書滿床坐來頗覺欠爐香
卒然欲買何繇得
問道倪家有異藏

夜坐讀書聞瓶梅之香口占五絕

客去門扃未作眠續燈添火了殘編
此時孤絕誰相與
能送幽香亦可憐

非風非月自騰香我亦何心適與當
此味絕佳誰得解
顧須攀折走林塘

舊說春寒花較遲況今冰雪已逾時一枝借得書窗暖
未許遊蜂戲蝶知

身落江南不自悲正欣梅也可供詩紛紛桃李胡為者
政似當年蔡克兒

一從叢桂落秋風佳處長孤阿堵中及至梅花又冰雪
一枝雖少與多同

有聞若管吹者意兒童為之問之乃鳥有名竹
管者其聲政如是云作三絕

細聽非笛復非蘆絕訝兒童底所呼邂逅因之問何似
鳥鳴竹管自烏烏

盡日閒窗運禿翁自憐虛出管城封不知爾更何為者
初聽猶疑似足蛩

蠶絲百箔舊曾聞

亦鳥名

未說新絲價爾分卒歲我無裘

褐計早知勸爾勿多云

鄉民謂初聞此鳥聲可以卜絲之貴賤

寄白雲覓茶

憶別白雲筍漸長而今想見出梢牆道人寄我不忘我

盍寄茶甌洗睡育

以茶寄楊溥之二首

要題尺素問何如
病過春風體益癯
採得山茶漫持寄
草玄餘暇想時須

憶過君家置酒杯
病予方止只空陪
而今夢想論文地
柳合沙堤鷗去來

從蕭君求茶二首

園官闕菜猶形諷
年例求茶可欠詩
為報蕭郎勿多怪

已令汲澗拾松枝

舊傳漢殿三眠柳燒燭仍聞照海棠草木困春人可奈
政煩茗椀為禁當

從蕭秀才求茶二首

丁蔡紛紛競寵加底如好事玉溪家至今有子能傳業
不待茶精句亦佳

秀才之先以
玉溪為號

磊落真同席上珍憶蒙況我意殊真今年尚許分張否
試遣詩筒告及春

簡莫令求茶

萬安近說神潭茶頗似文當屈宋衙山中索居睡不足
碾寄盡令舒眼花

謝莫升之惠茶

雙甕稍輟焙中茶好卧黃紬穩聽衙禦雨况聞當用瓦
固知不怕落簷花

曾秀才送茶

正爾耽詩不耐閒鏡中頻覺瘦樂樂曾郎惠我畫清供

挽把春風香並蘭

送新茶與俞尉

山居每啜社前香及是清明茶政嘗歎我白頭無母遺
一杯持與供高堂

從王彥博覓洞庭柑三首

扁舟幾泊洞庭霜曾見連林橘柚黃祗道陋邦無此物

那知種樹有諸王

石田之王家種橘而
洞庭柑亦出王氏

踰淮為枳信堪奴珍植何分楚與吳不但居家有遺帖

釀成賦辱長公蘇

聞道居家近橘坡青黃遙想問疎籬可能乞我數包否
仍寄韋郎七字詩

嚴先輩送鯉魚

嚴郎得魚不敢食走送茅齋嫌步遲却媿家貧慣粗糲
無人為我膾銀絲

再蒙簽判丈惠示惜花三絕句因次韻

花飛忽忽減芳菲欺我新來詩思遲筆底羨君能捉敏

好詞頻許坐中披

佛屋支撐僅可間過門無客客非殘公能有意重來否
竹澗松門暖不寒

蘭馨豈亦競春狂不為無人廢不芳長使幽居在空谷
也勝半額趁時妝

又次簽判丈惜花絕句三首

江南花草易芳菲今我還家已似遲最恨春風苦無思
卷藏紅綺不容披

蚤作抽書對白間
瓦爐猶有宿香殘
詩來報我羣花盡
亟起巡簷忘帽寒

春事違人去若狂
便驚鶻鳩怨年芳
兒童強作留連意
拾去殘花學試粧

野花

野花吐芳不擇地
幽草吹馥寧只春
茲日縱為無事日
此身不是自由身

野花無數不知名
白白紅紅俱賦情
縱使不蒙姚魏賞

雨開風落亦何爭

楊知錄送千葉白蓮

幾思載酒問揚雄不但尊空囊亦空枉道荷花有新發
又聞能白勝能紅

見紫荊有懷成父

一樹幽花見紫荊杜陵詩句屬吾情江東消息關河濶
況我平生寡弟兄

題芭蕉

卷藏政爾待時雨及此發舒天已秋
已是蕭蕭吹我急
主人寧得厭颼颼

謝人送水僊

珍重江南好事家老將種蒔作生涯
似憐寂寞書齋裏

折贈盈籃栗玉花

太和謂江之南岸為江南

海棠

肅肅朝寒不自持
暈生因酒似朱施
向來只夢梨花雨
不見西湖濃抹時

沅陵見招賞海棠病不能往輒爾言謝三首

去年已負海棠期今歲還當卧病時造物小兒應見相
恐余無此看花時

四海知名蜀海棠是邦元與蜀同方少陵當日猶無語
而我何人敢漫狂

二月已盡三月來計君行日已相催奈何病著不能往
豈但看花仍把杯

木犀四首

細省秋露黃金藥不減春風白玉枝人道江南富山水
江南山水富於斯

人言山水種人物我道英靈屬此花枯死猶堪作香供
不同桃李混泥沙

浪說西京斗大花赤欄青幄五侯家那知林下餘幽物
雨打風吹不怨嗟

我生天與山林相不羨人間富貴花折得幽芳頓何許
紙窗書屋伴煎茶

見賣梅花者作賣花行

來時纔賣木犀花賣到梅花未返家
作客悠悠有何好
定應詩興在天涯

連日陰風作許寒
晚來妍暖似春闌
十分待放梅花否
留我數枝歸到省

次韻孫溫叟求芍藥二首

邦人競說江都勝
一朵千金尚恐非
自笑寒廳何自得
但餘堦砌長苔衣

送花政自從人乞名品安能擇是非風雨連朝更工厄
便應紅盡綠垂衣

送芍藥與周子開

涉春風雨見花稀紅藥開時春已非病夫何與知許事
送與緩歌金縷衣

木芙蓉

三兩芙蓉並水叢向人能白亦能紅浩然不在芍藥下
如何獨占晚秋風

過鄰家看菊乞之以歸

徑荒空道菊猶存豈不懷歸病苦昏
乞得鄰花有根櫟
帶泥栽著定州盆

重陽甫近菊殊未花而木犀再開遂成一絕

今年為況添蕭瑟無菊能酬九日杯
天意似憐愁欲絕
故令巖桂為重開

十月見菊二首

黃花狼籍晚猶香冷蝶頻來著意忙
不見東籬千載士

自應埋沒老風霜

花前曳杖極徜徉為汝臨風一慨慷
直自東坡僊去後無人十月作重陽

黃白菊

白菊欹傾擁玉鈿黃花零亂委金錢
飢寒未免交為累金玉絲來枉現前

祝君適中折所居南山巖花二種曰玉梅曰含笑者為況名乃適中自製人鮮知之題五絕以

廣馬

柯莖全與臘梅同色潔香幽梅亦通以玉謚之真不僭
何須漢賦楚騷中

南山巖壁盡陽岡草木朝朝被寵光梅事已居桃李上
爾於梅也更前行

大笑能株小作叢吐香全似酒微中舊觀但比山茶白
無此枝頭破顰紅

南山含笑有兩種曰大笑小笑

含笑初無巧笑容未知名字復誰從爾今顧有嫣然狀

不笑春風却笑冬

蠟梅當日過蘇黃名壓西川舊海棠太息此花終未遇
而余與子漫平章

以蠟梅分供堂頭希廬首座冲南首座惠絕句
次韻併簡堂頭二首

蜜黃初出一枝春分似堂中得定人各各聞香獲三昧
信知文字本非真

才盡年來怕及春上人那說是詩人撥殘芋火寧餘事

故欲撩公嬾是真

書案上三重梅三首

人人共說梅花好
試問梅花好奈何
到底物名嫌太甚
市區酒肆盡東坡

我貴當由知我希
蠟梅全不事芳菲
自非牢落山中士
誰可與之同一歸

翠袖佳人倚竹詩
昔人比興乃陳辭
我今顧欲求真相
綠萼梅花並竹枝

即事呈斯遠三首

並湖微徑曲通村步步看梅遂歎門犬似不能知客意
苦相唐突吠籬根

去却薦花意轉新是知疎密總宜人正由穢去清虛集
不礙蕭然冠與巾

一花固覺有餘香況此寒梢數尺長怪底詩來總清絕
始知逸韻與相當

對梅有作六首

賸欲將梅月下看却愁風露不勝寒有時暫作披衣省
積雪凝霜不可干

四十飛騰暮景斜更云學易數年加勿謂衰催便欺我
尚能高興屬梅花

老來詩興苦無多折得梅花奈若何便恐飄零不堪觸
正須遶樹數婆娑

酒惡思茶更炷香不如梅葉嚼冰霜文園病渴知如此
未遽騎鯨返帝鄉

日未落時香未歸晚風方覺雪霏霏月明縱可形模似
不比風流殆庶幾

寥落江山無故人見梅憶著故園春水南水北尋詩地

想見風流一幅巾

謂斯遠

經旬不作詩今日霜晴可喜問梅沈園得兩絕

句此坡所謂痼疾逢蝦蟹也

自從籬菊報香衰便說南枝與北枝底事頻來問消息

山翁近日絕無詩

莫問今年與去年祇應貧病兩依然故人滿眼今誰在
且賦梅花第一篇

謝答嚴用韻送綠萼梅

兩詠君家兩樣梅清愁已瘦一分肌春風咫尺花無數
更合安排幾首詩

殘梅

片片乾飛已足悲況堪風雨橫相欺卒然此恨何由釋
倚賴重開有背枝

同徐斯遠看王遠父所藏僧圓契梅二首

西軒宜熟竹能藏雨落何方此自涼已對西湖冰雪句

一時頓有更徐王

炎天梅蘂簡齋詩坐勝山村雨雪時
閑雨正歌雲漢句忽來為我起涼思

懷梅花及斯遠

幾思載酒更攜筇一訪梅花山
崦中忽念去君三十里
悵然將復與誰同

張伯永折梅走筆謝之

歲晚梅花未經眼自嗟枉作近南官
忽來數朶驚初識已是先生覓句殘

折梅贈答二首

送君祇數梅花節開到嶺梅君不回
折得花來有重出
妾惟孤影媿粧臺

昔人行役功名誤嗟我何為久未回
落盡繁花有青子
期君煙雨上池臺

感梅屬周文顯二首

嚴冬今日更天風我與梅花瘦骨同我縱寒生猶附火
爾能孤立亂山中

玉薄冰輕不自持可能當此惡風吹要知此物堅牢質
不比渠儂更脆姿

次韻明叔送梅

長條忍使就斬伐未信園翁珍此花不然造物故料理
宜使飄零到我家

瓶梅

紙窗見月影橫斜不是桃花與李花一夜清吟忘客睡
祇愁到曉鬢雙華

從徐處士乞梅二首

江南處士楊無咎疇昔最工梅寫真聞道徐郎得其妙
何妨乞我一枝春

我居舊植千竿竹賸欲栽梅苦未成要寫橫斜須老手
是君頭白眼猶明

王兆明惠梅花詩二十首口占謝之

臘前再雪已相侵
年後更連人日陰
欲問梅花苦無地
把君詩卷得參尋

五月十七日謁伏波廟四首

萬里才傳卻瘴方
藥囊翻謂橐中裝
讒人不敢投豺虎
空見壺頭石室荒

仰視飛鳶始欲愁
要之樂死勝懷憂
功名慷慨吾無志
所願平生馬少游

鄔江江上祀陶公亦以吾孫靖節從我謂辰州升德廟
要當併駕少游客

幾從江上望朱欄今日扁舟徑往還潢潦儻收應易耳
白汀翠竹最相關

拜朱仲卿墓

西都何啻萬公卿紙上空能閱姓名桐鄉嗇夫少吏爾
墓木梢雲獨未平

王昭君

絕代方能入漢宮
畫圖何必更求工
縱令得幸因圖畫
已落君王疑信中

卓文君

成都共逸為琴心
豈不嘗聞賦麗淫
重聘茂陵今已晚
不須多賦白頭吟

雨後二絕句

疾風吹雨過前溪
留得餘涼在竹扉
為我拂床仍置席
今朝夢穩故山歸

竹樹翛然亦雨餘，便疑秋已到林居。
恨無新月當霄掛，空遣清風為掃除。

六月二十二日病中得雨頓覺沈疴去體欣然
起飲遂成一絕

涉秋得雨便生涼，起我蕭然病在牀。
徑自典衣謀一醉，要令清夢畧還鄉。

是日雨陰殊甚，咫尺如隔然。

青山咫尺不容看，豈是山靈意有難。
定自知儂坐詩瘦。

故令空霧作漫漫

西軒雜題三首

曉起看山謂得真突然山外見嶙峋
須臾釋屣渾無迹絕倒山靈解戲人

早風蓬勃不能涼獨卧幽軒日日長
賴有圖書慰岑寂左抽右取畧無妨

卧看修筠不見梢所欣軒戶綠陰交
蟬吟鳥語盡堪喜不用先生自解嘲

漫興十一首

桃樹深紅亦淺紅
竹竿箇箇又叢叢
兒男在田婦行饁
犬卧鷄啼茅舍空

風雨屬連殊未休
豫章城中十日留
江雲有意作晴色
今者薄暮當行舟

風雨蕭蕭病欲侵
雖然啼鳥在中林
細聽却有黃鸝語
端是當年隔葉音

截竹鉤絲作釣筒
半纏蒼石著波中
忽焉快躍知魚中

相語相呼促短篷

釣發闌余謂吉徵長年三老爾何憑那知我本江湖士

失脚東來亦墮罾

已遭穿頰尚洋洋爾本何辜餌觸香斷肉未能聊戒殺

念將贖爾又空囊

望極平湖不得山水長山遠畫圖間賦詩不似王摩詰

湖北湖南空往還

一日風帆數日程絕知快意亦輕生延緣始欲濱湖去

可奈同途莫並行

風順風橫總欲乘
傳呼雖數不余膺
去程渺渺湖邊草
宿伴悠悠水上罍

春風吹綠滿天涯
想見山園盡落花
少日意狂輕節物
祇今流轉謾成嗟

寒日蕭蕭上矮窻
竹陰窻影兩春撞
是中寓意真無盡
筆底尋詩卒未降

雨中

四月梅黃雨易成夜來猶是十分晴吳山越嶺渾遮盡
惟見江流面面平

玉山久旱七月一日雨作望者云從常山來時
趙吏部赴福州適入境已聞境上大雨取書邦
人歡喜之詞為口號二首呈之

一雨胡為限古城定應留逐使君行前驅尚遠毋庸遽
已見蕭蕭破久晴

父老爭迎舊使君使君何以為吾民要須一舉為霖手

快瀉天瓢洗旱塵

病中

風樹蕭蕭雨若篩
間飄黃葉掛蛛絲
蟲虺亡類更滿耳
況是病夫新起時

七月十有五夜一再夢故舒州使君侍御公
宛如平生且於其案間得若紙若繒者一沓皆公
所書或印者繙之有如幟者三有曰苛政曰賊
吏忘其一焉問傍立者以何所用云始朝議欲

遣公為某使故建此云覺而賦詩四絕

誰云死別已吞聲此恨何年得遽平林響風聲雨蕭瑟
敗人殘夢欲殘更

一夕安能再與俱語言寧覺死生殊幟書更識埋輪志
生有不忘如是夫

弟過江東得附辭奠猶垂往慟奚為情真未覺幽明負
貧病牢人甚繫維

夢回始覺死生分愁詠江東日暮雲安得分明再如昨

併須示我玉樓文

步溪頭

溪頭弱柳已絲垂那得江南尚好枝從此春風日亡賴
與須排寫付新詩

浴鳧拍拍已春聲相趁雙飛屬玉明更待前山一犂足
斷槎號瀨總波平

草軟沙平路不泥岸巾扶策步循隄江南春事信能早
正月已聞林鳥啼

昨日

昨日張帆著翼飛今朝風送塞驢騎吳淞山水夙所愛
得意還教多賦詩

初八日微雨明日猶有涼意作兩絕句

小雨那能救旱禾定催粟玉放庭柯一從賦罷橫斜影
誰復風流似汝多

不堪積暑帶煩疴幸甚新涼脫網羅聞道重陽更逢閏
今年節意屬秋多

晚秋郊居八首

梨棗熟時須一雨江南底忽類中州南人不識北人事
慄慄已懷禾黑憂

宋玉悲秋殆我欺江南搖落定何時不因楓樹顏如渥
松柏連林漫莫知

病橘蕭蕭祗古枝二三酸子間蟲絲人言社酒堪醫此
太息於今已後時

九日黃花信昔談是身何自見江南故今開晚方為貴

失所胡為浪不堪

病夫慵出長蓬蒿但見芻薪價益高積雨了知寒在候
我方隨事典衣袍

霜天柿葉須收拾咫尺山園底去遲不是功名羈絆得
病來筋力費扶持

蔓草依依網作窠荒庭寂寂蚓能歌人言病久須閒默
習氣相攻未易訶

鄰父疑為三徑孫一生辛苦在田園近來交友誰相顧

渠獨頻沾菜把恩

淳熙稿卷十八